



UNIVERSITÄTS-
BIBLIOTHEK
PADERBORN

**Stella Benedictina Sive Regula Sanctissimi Patris Nostri
Benedicti**

Meyenschein, Benedikt

Hildesii, 1725

VD18 10311831

XXXV. De Septimanariis coquinæ. Cuncti alternatim famulentur, &
hebdomadatim Mensæ operam navent, vasa pedésque lavent.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

- d) *Si videat alium plus accipere.*
 e) *Id est, in humilitate agnoscat indigentiam suam.*
 f) *Sive in se, sive adversus alios.*
 g) *Id est, quod plus accipiat, sciens hoc ex misericordiâ fieri.*
 h) *Subintellige, Communitatis.*
 i) *Subaudi, Admonemus, quod impressa quadam addunt.*
 l) *De hoc vide notata c. 5. lect. 2.*
 m) *Id est, acriori.*

13. MART. 13. JUL. 12. NOVEMB.

CAPUT XXXV.

De Septimanariis Coquinæ.

Fratres sic sibi invicem serviant, ut nullus excusetur à coquinæ officio, nisi aut ægritudine, aut in causâ gravis a utilitatis quis b occupatus fuerit; quia exinde c major merces d & charitas e acquiritur. Imbecilibus autem procurentur solatia f, ut non cum tristitiâ hoc faciant; sed habeant omnes solatia secundum modum Congregationis g aut

positionem loci *b*. Si major Congregatio *i* fuerit, Cellerarius excusetur à coquina; vel si qui, ut diximus, majoribus utilitatibus occupantur. Cæteri verò sibi sub charitate invicem serviant. Egressurus de septimanâ / Sabbatho munditias faciat *m*; linteamina, cum quibus sibi Fratres manus aut pedes tergunt, lavet: Pedes verò tam ipse, qui egreditur *n*, quàm ille, qui intraturus est *o*, omnibus lavent *p*. Vasa ministerii sui munda & sana *q* egrediens Cellerario reconfignet *r*; qui Cellerarius itè *s* intranti confignet *t*, ut sciat, quid dat, aut quid recipit.

- a) *Alii legunt, grandis, seu magna.*
- b) *Sive aliquis.*
- c) *Putat, ex tali servitio.*
- d) *Intellige, apud Deum; idque propter majorem humilitatem aliasque complures virtutes intercurrentes.*
- e) *Non accipitur hîc pro ipsâ virtute; sed pro dilectione vel amore apud Deum & homines.*
- f) *Id est, dentur adjutores, ut alibi dictum.*
- g) *Hoc*

- g) Hoc est, pensatâ vel multitudine, vel paucitate Monachorum.
- h) Seu situm culinæ.
- i) De hac vid. notata c. 31. lect. 2. ex Turrecrem.
- l) Id est, de servitio, quod per septimanam obivit.
- m) Sordes & pulveres extergendo, ait S. Hildegardis, vel, ut rectius Turrecremata, omnia vasa ministerii sui mundando.
- n) Hoc est, qui jam complevit servitium hebdomadale.
- o) Sive, qui servitium illud jam vult incipere.
- p) De hoc videri possunt statuta nostra Bursfeldensia pag. 148. Variæ quoque lotionis ejusdem utilitates tum corporales, tum spirituales, apud Boërium & alios.
- q) Id est, integra vel illæsa.
- r) Hoc est, numeratò restituat.
- s) Alii legunt, iterum.
- t) Vulgò extradat, vel numeratò det.

14. MART. 14. JUL. 13. NOVEMB.

Septimanarii a autem ante unam b horam refectionis accipiant super c statutam annonam singulos biberes d & panem;

nem; ut horâ refectiois finè murmuratione & gravi labore ferviant Fratribus suis. In diebus autem solemnibus e usque ad Missam f sustineant g. Intrans & exeuntes hebdomadarii, in Oratorio mox Matutinis finitis Dominicâ h omnium i genibus provolvantur, postulantes pro se orari. Egrediens autem de septimanâ, dicat hunc versum: Benedictus es Domine Deus, qui adjuvisti me & consolatus es me. Quo dicto tertio accipiat benedictionem egrediens. Subsequatur ingrediens, & dicat: Deus in adjutorium meum intende, Domine ad adjuvandum me festina. Et hoc idem tertio repetatur ab omnibus; & acceptâ benedictione ingrediatur m.

- a) *Per quos hodie dum intellige ministros mensæ.*
- b) *tò una vel redundat, vel denotat id faciendum tantum in prandio, non in cenâ; vel denique sensus est, unâ horâ ante refectioem, id est intra horam illam, que precedit communem refectioem Fratrum.*
- c) *Id est, præter statutas alii portiones: cum enim*

enim plus laboris postea habeant in servi-
tio, plus etiam cibi & potus ipsis merito
conceditur.

d) *A nomin. biber.* Alii legunt, singulas
biberes, à *Nomin. biberis.* Videtur hæc
vox derivata à Verbo *bibo*: Hinc Marti-
nius in Lexico suo eam interpretatur potum.
Bern. verò Cassinensis, Turrecrem. & alii
dicunt biberes esse parva vascula, capien-
tia unum moderatum haustum: quale va-
sculum Theodemarus Abbas Cassinensis mi-
sisse legitur Carolo Magno. Alii volunt
biberes & panem esse idem, quod mix-
tum, de quo agetur c. 38.

e) *Putat, Dominicis & festivitibus majo-
ribus.*

f) *Intellige, principalem, sive summum sa-
crum finitum. Ex Smaragdo.*

g) *Subaudi, jejunium; tum propter festivi-
tatem, tum etiam propter sacram commu-
nionem tunc usitatam. Colligitur etiam
hinc, quòd aliis diebus vel ministri jen-
taverint ante Missam, vel Missæ lectæ non
fuerint.*

h) *Id est, post finitas Laudes diei Dominicæ.*

i) *Intellige, in communi, non singulorum si-
gillatim.*

l) *Sub-*

l) *Subintellige ex seqq. Et ab omnibus ter-
tione repetito.*

m) *Sive incipiat ministerium hebdomadale.*

15. MART. 15. JUL. 14. NOVEMB.

CAPUT XXXVI.

De infirmis Fratribus.

Infirmorum cura ante omnia & super
omnia adhibenda est, ut, sicut reve-
ra Christo, ita eis serviatur: quia ipse
dicturus est a: Infirmus fui, & visitastis
me. Et: Quod fecistis uni de his mini-
mis meis, mihi fecistis. Sed & ipsi in-
firmi considerent, in honorem Dei sibi
serviri, & non superfluitate sua b contri-
stent Fratres suos fervientes sibi. Qui
tamen patienter portandi sunt, quia de
talibus copiosior merces acquiritur c.
Ergo cura maxima sit Abbati, ne ali-
quam negligentiam d patiantur. Qui-
bus Fratribus infirmis sit cella super se e
deputata, & servitor timens Deum f, &
diligens ac sollicitus. Balnearum g usus
infirmis, quoties expedit, offeratur; sanis
autem